

THE ORAL HISTORY OF TWENTIETH CENTURY MONGOLIA



Ariunzaya

Basic information

Interviewee ID: 990351
Name: Ariunzaya
Parent's name: Төмөрбаатар
Ovog: Borjigon
Sex: f
Year of Birth: 1976
Ethnicity: Halh

Additional Information

Education: secondary
Notes on education: бүрэн дунд
Work: self-employed
Belief: Protestant
Born in: Мөнххаан сум, Сүхбаатар аймаг
Lives in: [None Given] sum (or part of UB), Darhan-Uul аймаг
Mother's profession: Erdenenet machinist
Father's profession: Erdenenet electrician

Themes for this interview are:

(Please click on a theme to see more interviews on that topic)
travel; belief; illness / health; funerals; family;

Alternative keywords suggested by readers for this interview are: (Please click on a keyword to see more interviews, if any, on that topic)

Christianity; missionaries;

Click here to submit your own keywords for this interview

Please click to **read an English summary** of this interview

Transcription:

Отгонбаяр -
за Ариунзаяа 2 уулаа 2 дахь яриагаа энэ Монгол дахь сүм чуулганы талаар ярья. Анхны чуулганууд яаж үүсэв? Жишээлбэл та Дорнод очоод үйлчилсэн ш дээ ганцаараа яваад Дорнод очоод тэр цуглаан яаж босгогдов тэр талаараа ярьж өгөөч?

Ариунзаяа -
анх 1996 онд манай ээжийн хамаатай хамаатан ч юу байхав ээжийн дүү төрсөн дүү нь Дорнодод амьдардаг байсан учраас очоод амьдрах айл байгаа юм чинь ээжийн дүү юм чинь тэгээд дотроосоо өөрөө явья гэж зориглож шийдээд тэгээд ах нартай ярилцаад ах нар болноо гээд тэгээд ер нь өөрөө л Дорнод явья гэж шийдсэн л дээ. Бурханы өмнө их залбирч байгаад Бурханд хэрэглэгдэж би чинь яг өөрийгөө хэрэгтэй хүн гэж их боддог байсан байхгүй. Бурханд төлөөс төлөх тэгээд өшөө илүү хайрламаар өшөө илүү хайрлуулмаар гэж санагдаж байсан учраас Бурханд өөрийнхөө амьдралыг өргөөд миний амьдралыг та ерөөж өгөөрүй гэж залбирээд тэгээд Дорнод шийдээд тэгээд ах нарт хэлээд өөрөө явсан. Дорнод руу машинаар явдаг л даа. Газраар явдаг их хол бараг 600 хэдэн км юм дээ. Тэр чинь ерөөсөө машинаар тал газар ерөөсө ингээд хотоос гараад явахад чинь л нэг ширхэг ч мод харагдахаа больж байгаа байхгүй юу тэгээд тал газар явахаар чинь аягүй хэцүү юм байна лээ. Өөрөө болохоор машинд явж чаддаггүй багаасаа тийм байсан бөөлждөг тэгээд махбодь биеийн хувьд ядарч сульдсан. Одоо бол тэгээд хурдан явж байна ш дээ 7 цаг энтэр тэр үед 12 цаг явдаг. Тэгэхээр чинь өглөө 6 цагт гараад л шөнийн заримдаа тэнд хоночихдог. Тэгээд бороо мороо орохоор тэгээд аймаар хэцүү байсан. Онгоцоор явахаар зардал их өндөр учраас очоод бас надад хэрэгтэй ингээд тэгээд газраар явья гээд явж байсан л даа. Тэгээд Дорнод нэг эгч байсан. Анхны итгэгч Тэднийд очоод л Ганзул гээд тэр эгчтэйгээ холбогдоод л тэгээд очингуута тэр эгчтэйгээ уулзсан ганцхан тэр эгчтэйгээ тэгээд нөгөө фургонгоор хэдэн ах нар очиж мэдээ хүргээд тэгээд олон ах дүү нар байсан боловч нэг л ах дүү үлдсэн.

Отгонбаяр -
итгэдэг.

Ариунзаяа -
тийм итгэдэг хүн байсан. Улаанбаатарт байхдаа 93 онд байсан юм байна лээ. Тэгээд тэр эгч ах нарыг очиход тэр эгчтэй дайралдаад. Тэгээд тэр эгчтэй очиж уулзаад тэгээд эгчийндээ очоод л үнэнгээ ярьсан. Би одоо энд ингээд амьдрахаар ирлээ. Танай гэр бүлд ингээд байя гээд гуйсан тэгээд бас янз бүрийн юм яриад манай эгч болноо гэж зөвшөөрөөд тэгээд би тэнд амьдарсан. Манай эгчийнх чинь Дорнодын яг төвд байранд байсан 3 өрөө байртай. Тийм айл байсан.

Отгонбаяр -
танай ээжийн чинь дүү үү.

Ариунзаяа -
тийн тэгээд эгчийндээ амьдардаг анх тэгж очиж байсан. Тэгээд Ганзул эгчтэй уулзаад тэр эгч надад олон хүн зааж өгсөн л дөө. Энэ эгч ингээд итгэх боломжтой энд нэг дүү байгаа. Гээд анх Ганзул эгчтэй миний зорилго бол Есүсийн тухай хүмүүст ярьж эгч цуглаан шүтлэгийн газар олон итгэгч босоод олон хүнийг хайрлаж байгаа тийм хүмүүс босоосой гэсэн зорилготой л. Тийм хүчтэйгээр анх очсон л доо. Тэгээд анх ганцхан хүн байгаа юм чинь баярт мэдээ хүргэх олон хэрэгтэй тэгээд одоо шууд түүгээ хүнээ хайж эхэлсэн. Эхлээд хэнийд очих уу гээд хаана очиж түүгээ үү гээд тэгээд Ганзул эгч анх тэр Дорнодын төв дээр нэг талх зардаг гэр бүл байсан. Тэгээд зардаг. Тэгээд Нямдэлгэр эгч очиж байсан. Нямдэлгэр эгчийг очсон чинь Нямдэлгэр эгч халимаг үстэй аягүй туранхай нэг захын нэг хүүхнүүд аймаар хэлтэй амтай хэл амтай тийм л эгч зогсож байсан. Тэгээд би боддогын яана ийм хүн яаж Есүст итгэх юм болоо гэж бодож байгаа байхгүй. Аймаар хэцүү санагдаад аймаар галзуу хөдөлгөөнтэй эгч байсан л даа. Тэгээд уулзаад та ингээд цуглаан хийлгэх байр хэрэгтэй учраас хуучин байр дотор цагийн ингээд 500 билүү дээ. Тэр хавьцаа байх тэр үед мөнгөний ханш гайгүй байсан юм. Хямдхан ингээд байр түрээсэлье гэж ярьсан ингээд хоёр 7 хоногийн хагас бүтэн сайн өдөр цуглаан хийгээд гэж ярьсан. Тэгээд яг цуглаан болох гэж байсан учраас тэр цуглаандаа байрандаа хүмүүс урих хэрэгтэй ш дээ. Тэгээд нөгөө хүмүүсээ урьж явсан байхгүй. Тэгээд Нямдэлгэр эгчийг урьсан чинь дорнодын талх их гоё ш дээ. Ингээд олон талх өрсөн тэгээд намайг урингуут очно очно очилгүй яадгийн гээд л тэгээд би бодсон байхгүй юу энэ хүмүүс чинь ирэх юм болов уу даа гээд тэгээд цаашаа яваад Ганзул эгчтэй уулзчихаад Ганзул эгч дүү нараа урьсан байлээ. Тэгээд маргааш нь байрандаа ирээд байраа цэвэрлэхихэд байж байсан чинь дүү нар мүү нар ирээд жижигхэн дүү нар ирсэн. Тэгсэн бараг Нямдэлгэр эгч ороод ирсэн.

Отгонбаяр -
нийт хэдэн хүн ирэв?

Ариунзаяа -
нийт 4 5 хүн байгаа ш дээ. Надад бол аягүй их хүн ирж байгаа санагдаж байгаа юм чинь баярлаад л бараг Ганзул

[Mongolian version](#)

[Back home](#)

[Website Tips](#)

[Interviews](#)

[Gallery](#)

[Mongolia](#)

[Project](#)

[Project Team](#)

[Oral History Resources](#)

[Links](#)

[Terms and Conditions](#)

[Contact](#)



Back to top

Interviews, transcriptions and translations provided by *The Oral History of Twentieth Century Mongolia*, University of Cambridge. Please acknowledge the source of materials in any publications or presentations that use them.



**UNIVERSITY OF
CAMBRIDGE**

MONGOLIA AND INNER ASIA STUDIES UNIT

DIVISION OF SOCIAL ANTHROPOLOGY
THE MOND BUILDING, FREE SCHOOL LANE
CAMBRIDGE CB2 3RF